

31.10.2014
La Usc di Ladins

Palsa da d'altonn

Ai 31 d'otober stluj cin museums provinziai

Cin' museums provinziai sarà stluc dal 1^a de november inant por la palsa sajonal; ai fej pert dl'Azienda di „Museums provinziai“ integrada tla Repartiziun Museum dla Provinzia Autonoma de Balsan. I cin' museums a chi che an po ciamò jì a ti ciarè cina ai 31 d'otober é: le Museum provincial dles usanzas y dles tradiziuns de Dietenheim/Bornech, le Museum dles mineores dl Südtirol - Mineora Prettau, le Museum dles mineores dl Südtirol - Čialt dla blá Steinhaus, le Museum Ladin Čiastel de Tor y le Museum Ladin Ursus ladinicus a San Čiascian.



La sènta dl Museum Ladin a San Martin de Tor.

I ultimi trèi – le Museum dles mineores de Steinhaus, le Museum Ladin Čiastel de Tor y le Museum Ladin Ursus ladinicus – daurirà bele indò ai 26 de dezember, i atri indò d'aisciöda dl 2015. Deplü

informaziuns sön i orars de duc i museums dl Südtirol y sön les mostres y manifestaziuns di museums provinziai é da ciahè sön la plata <http://www.musei-altoadige.it/>